



Handwritten text on the spine, possibly in Latin or German, including the word "Hundert" and "Kocher".



Sammelband. Lex. 200

**Eyn Sermon von der bereytung
zum Sterben Doct: Mar-
tini Luther Augusti-
ner zu Witten-
bergk.**

Wittenbergk.
A N N O
M. D. XX.



I Tod ist ein
abschid vō
differ welt.

¶ Czum ersten/ Die weyl der todt eyn abschid ist von dieser welt/ vnd allen yhrier hendellen/ ist not das der mensch seyn zeit lich gut ordenlich vorschaffe/ wie es soll oder er gedencft zu ordnenen/ das nit bleybenoch seynem todt/ vrsach/ zancf/ hadders oder sonst eyns yrthumb/ vnter seynen nach gelassen freunden vnd diß ist ein leyplicher odder außlicher abschid von dieser welt/ vnd wirt vrlaub vnd letze geben dem gut/

¶ Czu andern/ Das mā auch geystlich ein abschid nhemel/ das ist/ man vorgebe freuntlich/ lauterlich vmb gottis willen/ allen menschen/ wie sie vns beleydigt haben/ widderumb/ auch begere vorgebung lauterlich vmb gottis willen von allen menschen derent wir vil anzweyffel beleydiget haben/ zū wenigsten mit bösen exempel/ odder zu wenig wolthaten/ wie wir schuldig gewesen nach dem gebot brüderlicher/ christlicher liebe/ auff das die seel nit bleyß behafft mit yrten eyn handell auff erden.

¶ Wartzu
vns d todt
nüzlich sey

¶ Czum dritten/ Wan so yderman vrlaub auff erden geben soll man sich dan alleyn zu gott richten/ da der wegt/ des sterbens/ sich auch hyn keret/ vñ vns furet. Vnd hie hebt an/ die enge pforte / der schmale steyg/ zum leben/ des muß sich ein yglicher frölich erwegen/ dan er ist wol fast enge/ er ist aber nit langk/ vnd geht hie zu/ gleych wie eyn kind / auß der cleynen wonung seynes mutter leyß/ mit gefar vnd engsten geboren wirt/ yn disen

¶ Todt furt
vns auß zeit
lichem ynn
ewigk.

¶ weyten hymell vnd erden/ das ist auff diese welt. Also geht der mensch durch die enge pforten des todts / auß dysem leben/ vnd wie wol der hymell/ vnd die welt/ da wir itz yn leben/ groß vñ weyt angesehen wirt. So ist es doch alles/ gegen dem zukunfftigen hymel/ vil enger vnd cleyner/ dan der mutter leyß/ gegen disen

¶ Sterben ist
die newe ge
burt.

¶ hymel ist/ darumb heyst/ der lieben eyligen sterben/ eyn newe gepurt/ vnd yhie fest/ nemet man zu latein *Matiale*/ ein tag yhrier gepurt. Aber der enge gangk/ des todts macht/ das vns dyß leben weyt/ vnd yhenes enge duncket. Drib muß man das glauben/ vnd an der leyplichen gepurt eyns kynds lernen/ als Christ^{us}

¶ Merck woz
deuth disse
parabola.

¶ sagt. Eyn weyß/ wan es gepire so leydet es angst/ wan sie aber genesen ist/ so gedencft sie der angst nimmer/ die weyl ein mensch geporn ist von yhr/ yn die welt/ also/ yn sterben auch muß man sich der angst erwegen/ vnd wissen/ das darnach eyn großer raum vnd freude sein wirt.

¶ Zum vierden/ Solch zu richten vnd bereytung/ auff diese fart/ steht darinne/ Zu ersten/ das man sich mit lauterer beycht (sonderlich der grossen stück/ vnd die zur zeyt ym gedechtnis mütlich vleys/ erfunden werden) vñ der heyligen christenliche sacrament/ des heyligen waren leychnams Christi vñ dölung vorsozge/ die selben andechtig begere/ vñ mit grosser zuuorsicht empfahe/ so man sie haben mag. Wo aber nit/ sol mit deste weniger/ das vorlangen vnd begere der selben tröstlich seyn/ vñ nit darob zu seher erschrecken/ Chriß spricht/ alle ding sein mütlich dem der do glaubt. Dan die sacrament auch anders nit sein/ dā zeychen/ die zum glauben dienen/ vnd reytzen/ wie wir sehen werden/ An welchen glauben sie nichts nüt seyn.

¶ Zum funfften/ Sol man yhe zu sehen mit allem ernst/ vñ vleys/ das man die heyligen sacrament gross acht/ sie yn ehren habe/ sich frey vnd frölich drauff vorlasse/ vñ sie gegen die sund todt vnd hell/ also wege/ das sie weyt ober ausschlahen. Auch will mehr/ mit den sacramenten/ vnd yhren tugenden sich bekümmere/ dan mit den sunden. Wie aber/ die ehre recht geschech vnd was die tugent seyn/ muß man wissen. Die ehre ist/ das ich glaub/ es sey war vnd geschech mir/ was die sacrament bedentē vnd als was gott/ darinnen sagt vnd angeygt/ das man mit Marien der mutter gottis / yn festem glauben sprech. Mir geschech/ nach deynen worten vñ zeychen. Dan die weil da selbst gott durch den priester redt/ vnd zeychnet mocht man got keyn grösser vnehr/ yn seynem wort vnd werck thun/ dan zweyffeln/ ab es war sey/ vnd keyn grösser ehre thun/ den glauben es war sey/ vnd sich frey drauff vorlassen.

¶ Zu sechsten/ Die tugent der sacrament zu erkennen / muß man vorwissen/ die vntugent/ da widder sie sechten vnd vns geben seind. Der seyn drey/ die erste/ dz erschreckliche bild des todts/ die ander/ das greulich manichfeltig bilde d sund/ die dritte/ das vntreglich vnd vnuomeydliche bild/ der hellen vnd ewiges vordammnis. In wechst eyn yglichs auß dyßen dreyen/ vnd wirt gross vnd starck/ auß seynen zusatzen. Der todt wirt gross/ vnd erschrecklich/ das die blöde vorzagte natur / dz selb bild zu tieff yn sich bildet/ zu seher vor augen hatt/ da zu steuret nu der teuffel auff das der mensch/ das greßlich' geperd vnd bild des todts/

4
Vnterricht
differ fart.
I. Zmiff und da
Beycht vñ
sacrament. B

Sacramēt
sein vbung
des glaus
bens.
Dise zeychē
muß man
setzen gegen
alle frunde
schaffe.
Ehre der sa
crament ist
glauben. T.

Die gröste
vnehr gots
vnglaubē.
Die gröste
ehre. glaubē

Inte gaudt, Corbre fu
Drey dinge
schrecken
vns.
Explicat singula
Tode/ sund
vnd helle. 291
v3 worte

Wo durch
dye Natur
zähghafft
wirt.

tieff betraachte/da durch bekümmert/ weych vnd zähghafft werd
dando soll er wol/ alle dieschrecklichen/ gehlingen/ böse todt
fürhalten/die eyn mensch/yhe gesehen/ gehört/ oder gelesen hat/
daneben mit einwickeln den zorn gottis/ wie er vorzeyten/ hie vñ
da die sündler/ geplagt vnd vorterbet hat. Damit er die blödena
tur zur fürcht des tods/ vnd zur lieb vñ sorgen/ des lebens treybe/
da durch der mensch zuuill beladen mit solchen gedäcken/ got
tis vorgesse/ den todt flige/ vnd hasse/ vnd also gott am ietzten
ende/ ungehorsam erfunden werde vñ bleybe. Dan yhe tieffer der
todt betraachte/ angesehen vnd erkant yhe schwerer vñ ferlicher dz
sterben ist. Im leben/ solt man sich mit des todes gedäcken üben
vnd zu vns foddern/ wan er noch ferne ist/ vnd nicht treybt. Aber
ym sterben/ wan er von yhm selbs schon alzu starck da ist/ ist
es ferlich vnd nichts nütz. Da muß man seyn bild außschlahen
vnd nit sehen wollen/ wie wir hören werden. Also hatt der todt
seyn crafft vnd sterck/ yn der blödickeyt vnser natur/ vnd yn seyn
nem vnzeytigem zuuill ansehen odder betrachten.

Wo vñ die
sunde groß
wirt.

¶ Zum siebenden / Die sund wechset vnd wirt groß/ auch
durch yhr zuuill ansehen/ vñ zu tieff bedencken. Da hilfft zu die
blödickeyt vnser gewissens/ das sich selbs vor gott schemet vñ
grewlich strafft. Da hatt der reuffel dan eyn badt sunden/ das
er gesucht/ da treybt er/ da macht er die sund souill / vnd groß/
da soll er alle die fürhalten/ die gesundet haben/ vnd wie vil / mit
wenigen sunden vordampft seyn. Das der mensch aber muß vor
zagen oder vnwillig werden zu sterben / vnd also gottis vor
gessen/ vnd ungehorsam erfunden/ bleyben byß in todt/ sonder
lich/ die weyll der mensch meynt/ er muß die sund als dan betra
chten/ vñ thue wol recht vnd nützlich dan/ das er damit vmb
gehe/ also findet er sich dan vnberedyt vnd ungeschickt/ so sehr/
das auch alle seyne gute werck zu sundē wordē seind. Auß dem
dan muß folgen/ eyn vnwillig sterben/ ungehorsam gottis wil
len vnd ewiges vordammen. Dan die sund betrachten / hatt da
keyn fug noch zeyt/ das sol mā in der zeyt des lebens thun. Also
vorkeret vns d böse geyst alle ding/ am leben/ da wir solten des
todtes/ der sund/ der helle bild stetig vor augen haben. Als ps. 50
steth/ Meyn sund seyn mir allzeyt vor augen/ so thut er vns die
augen zu vnd vordirget die selben bild. Am todt da wir solten/

nur das leben/gnad/und seligkeit vor augen haben/ thut er vns dan aller erst die augen auff/ vñ engstet vns/ mit den vnzeitigen bilden/das wir der rechten bilden nit sehen sollen.

Ezū achten/ Die helle wirt groß vñ wechst/ auch durch yhu zuvil ansehen vñ harttes bedencken/ zu vnzeyt. Da zu hilff übir die maß sehr/dz man gottis vnteyl nit weiß/ da hyn d böse geyst die seel treybet/das sie sich mit vbringen vnnützen/ fürwitz. Iha mit dem aller ferlichsten furnemen beladet vñ forschen sol/ gottlichs radts heymlichkeit/ ob sie vorsehn sey od nit. Zie übet der teuffel seyn letzte/ größte/ listigste künste vnd vormügen. Dā damit furet er den menschen (so er es vorseht) übir gott / das er sucht/ zeychen gotlichs willen/ vñ vngedultig werd/das er nit wissen soll/ ob er vorsehn sey/macht yhm seynen got/ vordechtig/das er vil nah/ noch eynem andern gott sich sehnet/kurtzlich/ hie gedencft er gottis lieb/mit eynem sturm wind außzuleschen/ vnd gottis haß erwecken. Ihe mehr d mensch/dem teuffel folget/vñ die gedanken leydet/ yhe ferlicher er steht / vnd zu letzt nit mag erhalten/er felt yn gottis haß vñ lesterung/dan woz ist es anders das ichs wissen wil/ ob ich vorsehn sey/dan ich wil als wissen was gott weyß/ vnd yhm gleych seyn/das er nichts mehr wisse dan ich/ vnd also gott/nicht gott sey / so er nichts übir mich wissen soll. Da helt er für/wie vil heyden/ Juden/ Christen kind verloren werden/ vñ treybt mit solchen ferlichen/ vnd vorgebene gedanken sonill/das der mensch/ ob er sonst gerner stürb/ doch yn diesem stück/ vnwillig werde. Das heyst mit der helle angefochten/wan der mensch mit gedanken seyner vorsehung wirt angefochten darüber yn psalter gar vil clagen ist. Wer hye gewymmet/d hat die hel/srad/tod auff eynen hauffen übirwundē.

Ezū neunden/ Tu muß man yn dyßem handell allen vleys ankeren / das man diser dreyer bildt/ keyns zu hauff lade / noch den teuffel übir die thür male/ sie werden selbs altzu starck hereyn fallen/ vnd das hertz mit yhem ansehen/ disputirn vnd zeytgen/ gantz vñ gar yhn haben wollen. Vnd wo das geschicht/ so ist der mensch verloren/ gottis gantz vorgeffen/dan dise bilde gehören gar nichts/ yn dise zeyt/ anders / dan mit yhn zu fechten vnd sie auß zu treyben. Iha wo sie allein sein/an durch sehen yn ander bild/ gehören sie nyrgē hyn/dā in die helle vnter die teuffel.

Auß wassē De 3. zusezē sich die helle/me reth.

Predestinatio.

Dz mercken die hohenm speculierer.

Der höbste stoff

Wie man sich i disen dreyen halten soll.



In myr *Stück* in dy
hem hädell.

Wilt dan *Wilt*
das leben/
dz ist Chri-
stus / dan er
ist nichts /
dan leben.

Geschicht
der erhen
schlangen.

Ang fur *Ang*
das leben
finden.

Wilt die
sunde gegē
sundern.

Wer nu wol mit yhn fechten wil / vnd sie aufstreyben / dem wirt
nit genug seyn / das er sich mit yhn zere vnd schlage / oder ryngel /
dan sie werden yhm zu starck sein / vnd wirt erger vnd erger. Die
kunst ist gantz vnd gar / sie fallen lassen / vnd nichts mit yhn
handeln. Wie geht aber das zu? Es geht also zu / Du must den
tod / yn dem leben / die sund / yn der gnaden / die hel / yn hymel an
sehen / vnd dich von dem ansehen oder blick / nit lassen treyben /
wan dirs gleych / alle Engell / alle Creatur / ya wens auch dich
dunckt / gott selbs anders furlegen / das sie doch nit thun / aber
der böß geyst macht ein solchen scheyn. Wie sol mā dem thun?
¶ Czu zehenden / Du must den todt / nit yn yhm selbs / noch
yn dir odder deyner natur / noch yn denen / die durch gottis zorn
getodtet seyn / die der todt oberwunden hatt / ansehen / odder bes-
trachten / du bist anders verloren / vñ wirst mit yn vberwunden
sondern deyn augen / deyns hertzen gedanken / vnd alle deyne
syn gewaltiglich keren von dem selben bild / vñ den todt / starck
vñ emsig ansehen / nur in denen / die yn gottis gnaden gestorben /
vnd den todt vberwunden haben / furnhemlich yn Christo / dar-
nach / yn allen seynen heyligen. Sich yn dyßen bilden / wirt dir
der tod / nit schrecklich noch greulich / ia vorachtet vñ getodtet
vnd yn leben erwirgt / vnd vberwunden. Dan Christus ist nichts
dan eytell leben / seyn heyligen auch / yhe tieffer vnd vester / du dir
diß bild eynbildest / vnd ansihest / yhe mehr des todes bild absele
vnd von yhm selbs vorschwyndt / an alles zeren vnd streyten
vnd hatt also deyn hertz frid / vnd mag mit Christo / vnd ym
Christo greulich sterben. Wie Apoc: steht. Selig seynd die / die
yn dem herin Christo sterben / das ist bedeut. Lueri. xxi. Da die
kynder von Israel / vñ den feurenden schlangen gepissen / nit sich
mit den selben schlangen zeren / sondern die todte ehne schlang
mussten ansehen / da fielen die lebendigen von yhm selbs ab / vnd
vorgingen. Also mustu dich / mit dem todt Christi alleyn bes-
kummern / so wirstu das leben finden / vnd wo du den todt ans-
derßwo ansihest / so tödt er dich mit grösser vnruhe vnd peyn.
Dumb sagt Christus. In der welt (das ist auch yn vnßselb)
werdet yhr vnruhe haben / In mir aber / den friden.

¶ Czum eylfften. Also mustu die sund nit ansehen yn den
sundern / noch yn deynem gewissen / noch in denen / die yn sunden

endlich blißen vnd vordampft seyn/du fereft gewißlich hynach
 vnd wirst vberwunden/ sondern abtoren deyn gedanken / vnd
 die sund/nit dan yn der gnaden bilde ansehen / vnd dasselb bild
 mit aller crafft yn dich bilden vnd vor augen haben. Der gna-
 den bild/ ist nit anders/ dan Christus am Creutz vnd alle seyne
 lieben heyligen. Wie vorsteht man das: dz ist gnade vnd barm-
 hertzikeit/ das Christ^{us} am Creutz deyne sund von dir nymmet/
erregt sie fur sich vnd erwurget sie/ vnd dasselb festiglich glaubē
vnd vor augen haben/nit dan zweyffeln/ das heyst das gna-
den bild ansehen vnd yn sich bilden. Desselben gleychen alle hey-
 ligen yn yhem leyden vnd sterben/ auch auff yhm tragen deyne
 sund/ vñ fur dich leyden vñ arbeyten wie geschriben steet. Eynes
 trag des andern Burden / so erfüllet yhr Christus gebott/ also
 spücht er selber Matt. xi. Komet zu mir all die yhr beladen seyt
 vnd arbeytet/ ich wil euch helffen. Sich so magstu deyn sund
 sicher ansehen/ auffer deyne gewissen/ sich da seynd sund nymmer
 sund/ da seynd sie vberwunden / vnd yn Christo vorschlungen/
 Dā gleych wie er deynen tod auff sich nympt/ vñ yhn erwurget
 das er dir nit schaden mag/ so du anders glaubst/ das er dir dz
 thut/ vñ deynen todt yn yhm. nit yn dir ansihest/ also nympt er
 auch dein sund auff sich/ vnd in seyner gerechtikeit/ auß laue-
 ter gnaden dir vber windt/ so du das glaubist / so thun sie dir
 nymmer schaden. Also ist Christus/ des lebens vnd gnaden bild
 widder des todts vñ sund bilde/ vnser trost/ das sage Paulus.
 i. Corin: xv. Got sey lob vnd danck/ das er vns / yn Christo ges-
 ben hatt/ vberwindung/ der sund vnd des todts.

gnade/ das
 ist Christus
 sterben vor
 dich.

Trost/ gna-
 de vñ barm-
 hertzikeit.

*My am bilde in
 lebendiger gnu-
 e*

¶ Czu zwölfften/ Wustu die helle/ vñ ewigkeit der peyn/ mit
 der vorsehung/ nit in dir/ nit in yhselbs/ nit in denē/ die vordapt
 seyn ansehen/ auch nichts bekümen mit houil menschen/ yn der
 gangen welt/ die nit vorsehen seynd/ dā sichstu dich nit fur/ so
 wirt dich/ diß bild schwind stürzen/ vñ zu boden stoßen/ drüb
 mustu hie gewalt vben / die augen fest zu halten / fur solchem
 blick/ dan er gar nichts nütz ist/ ob du tausent iar/ damit vmb
 giengst/ vnd vorterbet dich zumall/ du must doch gott lassen/
 gott sein/ das er wisse mehr von dir wan du selbs. Dumb sich
 das hymelisch bild Christu an/ der vmb deynet willen/ gen hell
 gefaren/ vnd von gott ist vorlassen gewesen/ als eyner der vor-

Setze helle
 gegen dē hy-
 mel/ das ist
 Christu der
 gen hell ges-
 farn ist/ dz
 er dich gen
 hymel furet

243

dampft sey ewiglich/da er sprach am Creutz. Eli eli lama asab
thani. O meyn gott o meyn gott/warumb hastu mich vorlassen
Sich in dem bild/ist ubirwunden dein helle/ vnd dein ungewiß
vorsehung/ gewiß gemacht/ das so du damit alleyn dich be-
kümmerst/ vñ das glaubst fur dich geschehen/ so wirstu/ yn dem
selben glauben behalten gewißlich. Drumb laß dirs nur nit auß
den augen nehmen/ vñ suche dich nur in Christo/ vnd nit yn dir
so wirstu dich ewiglich yn yhm finden.

Also wan du Christu vnd all seyne heyligen ansiehst / vnd
dir woll gefellet/ die gnad gottis/ der sie also erwelet hatt/ vnd
bleybst nur fest/ in dem selben wolgefallen/ so bistu schon auch
erwelet/ wie er sagt Gen. 12. Alle die dich gebenedeyen/ sollen ges-
benedeyet seyn. Hastestu aber nit hyr auff alleyn/ vnd fellest yn
dich/ so wirt dir eyn vnlust erwachen gegen got vnd seyne heyl-
gen/ vnd also yn dir nichts guts finden. Da hüt dich fur/ dan
da wirt der böse geyst/ dich hyn treyben/ mit vill listen.

¶ Czu dreyzehenden/ Dyse drey bild odder streyt / ist bedeu-
Judicū. Da Gedeon die Madianiten mit drey hundert man/
an drey orten yn der nacht angriff/ doch nit mehr thet/ dan ließ
drometen blasen/ vñ lichtscherben zusammen schlagen/ das die
seynd flohen vnd sich selbs erwurgten. Also fleugt/ todt/ sund/
vnd hell mit allen yhren cressen/ so wir nur Christi vnd seynes
heyligen leuchtende bild yn vns uben / yn der nacht/ das ist yn
glauben/ d die bösen bild nit sihet noch sehen mag/ dartzu vns
mit gottis wort als mit drometen reytzen vnd stercken. Also
suret die selb figur Isaias. 9. gar lieblich eyn/ widder die selben/
drey bild/ vñ spricht von Christo/ Die last seynes bürden/ die ru-
the seynes rücken/ das scepter seynes treyßers/ hastu uberrunden
gleych wie zu den zeyten d Madianiten/ die Gedeon uberrwand.

1. Als sprach er/ deyns volcks sund (das do ist ein schwere last sey-
ner bürden yn seynem gewissen) vñ den todt (der do ist eyn ruthe
2. odder straff der do druckt seynen rücken) vnd die hell (die eyn
3. scepter vnd gewalt ist des treyßers/ da mit gefodert wirt ewiges
Bezalen fur die sund.) Hastu als ubirwunden / wie es dan ges-
schehen ist zu den zeyten Madian / das ist durch den glauben/
da durch Gedeon an all schwert schlag / die seynde vorgage.

¶ Wen hatter das than?

Am Creutz

Ampstet
hier 3
Disse drey
streyt seyn
in d schrifft
figurirt.

Erneuere dich
Trost/ gnad
vñ seligkeit

200

Am Creutz/dan do selb/hatt er vnß/sich selbs bereyt eyn dreyse-
 tig bild vnßern glauben furzuhalten/widder die drey bild da 8
 böße geyst vnd vnßer natur/vnß mit ansicht auß dem glauben
 zu reysen. Er ist das lebendig/vnd vnsterblich bild/widder den
 tod/den er erlitten/vnd doch mit seyner aufferstandt von todtten
 vbirwunden/yn seyner leben. Er ist das bild der gnadē gottis
 widder die sund/ die er auff sich genommen/ vnd durch seyner
 vnubirwindigliche gehorsam/vbirwunden. Er ist dz hymelisch
 bild der vorlassen von gott/ als eyn vordäpter/vnd durch seyn
 aller mechtigst liebe die hell vbirwüde/bezeugt dz er 8 liebste sun
 sey/vnd vnß allen dasselb zu eygen geben/ so wir also glauben.

Zu Vierzehenden/ Zu vbirflus/hatt er mit allein yn yhm
 fels dye sundt/todt/helle/ vbirwunden/vnd vnß furgehalten zu
 glauben/ sondern zu mehren trost/auch selbst/dye ansechtung
 erlitten vnd vbirwunden/die wir yn diesen bild habē. Er ist ebē so
 wol angefochte mit des tods/8 sund/8 helle bild/ als wir. Des
 tods bild/hiltē sie ym fur/da die Jude sagerē. Er steig nu herab
 vo 3 Creutz. Er hat ander gesundt macht/er helff yhm nu selbs/
 als sprechē sie/da/da/ sibstu den tod/du must sterben/da hilffē
 nichts fur. Gleych wie 8 teuffel/eyne sterbedē mēschen/des tods
 bild er fur ruckt vñ mit schreckliche bild dye blōd natur schuttet
 Der sinde bild hiltē sie yhm fur. Er hatt ander gesunt gemacht
 Ist er gottis sun/ so steyg er herab 2c. als sprechen sie. Seyn
 werck seyn falsch vnd lauter triegerey gewesen. Er ist des teuffels
 sun/vnd nit gottis sun/er ist seyn mit leyb vnd mit seele. Er hatt
 nye keyn guts than/dan eytel bößheyt. Vnd gleych wie die Ju-
 den Christo diese drey bild zu trieben vnordentlich vnderinander/
 also wirt der mensch vñ den selben zu gleich auff ein mall vn-
 ordentlich bestomet/dz er vor irret werde/vñ nur bald vorzwey-
 ffel wie derherr/dye vorstōung Jerusalem beschreybt Luce 19.
 Das yhi seynd sie vmbgeben mitt eynem schutt/das sienit auß
 kundentommē(das ist der todt)das sie/sie an allē endē engeste
 vnd treyben/das sie nirgent bleybenn kunden/das seyn dye sund.
 Zum dritten/das sie sie nyder schlagen zur erden/vnd lassenn
 keynen steyn auff dem ander/das ist die hell vñ vorzweyfflung.
 Der hellen bild trieben sie zu yhm/da sie sagten/Er vortrawt
 gott/laß sehen ob ehr yhn erlöse/er sey gottis sun als sprechē sie.
 Er hort yhn dye hell/ gott hatt yhn nit vorsehem/ er ist ewig

Bildung

zu bild vñ vnß

zu bild vñ vnß

zu hiltē

Wan vnd

woye disse

drey durch

Christum

uber wüden

seyn vnß zu

guthe

1 Todt.

2 Sunde.

3 Zelle.

18

Ertrawt

mit vnß

B

furworffen/ es hilfft hie kein vortrauen noch hoffen/ es ist vns
sunst alls.

Christi ge-
horsam.

N.

Wie wir nu sehen das Christus zu alle den worten vnd gewo-
lichen bilden styll schweygt/ nicht mit yhn sicht/ thut alls hore
odder sehe er sie nicht/ vorantwort keyns/ vñ wan er schon ant-
wortet hett/ so hett er nur vrsach gebenn das sie mehr vñ grwo-
licher hetten gepleret vñ getrieben. Sondern alleyn auff den liebste
willem seyns vaters acht hatt/ so ganz vñ gar/ das er seyns
tods seyner sund seyner hell/ auff yhn getrieben vorgist/ vñ fur sie
bittet/ fur yhren todt/ sund/ vnd hell.

N.

Also soln wir die selben bild auch lassen/ her fallen vnd ab-
fallen/ wie sie wollen ader mugen/ vñ nur gedencke das wir an
des willen gottis hangē/ der ist das wir in Christo hauffen/ vñ
festiglich glaubē/ vnser tod/ sund vnd hell/ sey vnß yn yhm vber-
wunden/ vñ mug vnß nit schaden/ Auff das also Christ' bild
yn vnß alleyn sey/ vnd mit yhm disputiren vnd handelen.

Merck wo
alhy zu die sacra-
ment gutt
sein.
vñ.

Zum funffzehenden/ Tu kummen wir widder zu den hey-
ligen sacramenten vñ yhren tugenden/ das wir lernen wo zu sie
gut seyn vñ sie zu prauehe/ Wilchem nu die gnade vñ zeyt vor-
lihen ist/ das er beycht/ absoluir/ bericht/ vñ beolet wirt/ der hat
woll groß vrsach gott zu lieben/ loben vñ dancken/ vñ frolich
zu sterben. So er anders sich trostlich vorlesset vñ glaubt auff
die Sacrament/ wie droben gesagt dan yhn den Sacramenten
handelt/ redt/ wirckt/ durch den puester/ dein got Christus selbs
mit dir/ vnd geschehen da mit menschen werck oder wort/ Da ge-
redt dir gott selbs alle ding/ die itzt von Christo gesagt seyn vñ
will die sacrament ein warzeichen vñ vkrund seyn/ Christ' leben
soll deynen tod/ seyn gehorsam sol deyn sund/ seyn liebe/ deyn helle
auff sich genōmen vñ vberwunden haben. Daznu wirstu durch
die selben sacrament eyngeloybt vñ voreiniget mit allen heyligen
vñ kumist yn die rechte gemeynschafft der heyligen/ also dz sie

Sacramt si-
sichtliche
zeychen der
zusage got-
tis.

mit dir in Christo sterben/ sinde tragē/ hell vberwindē. Daraus
folget/ dz die sacrament/ dz ist die euserliche wort gottis durch
eynen puester gesprochen/ gar eyn großer trost seynt/ vnd gleych
eynsichtlich zeyhen gotlicher meynung/ dar an man sich halten
soll mit eynen festen glauben/ als an eynē guten stab/ damit Ja-

Jacobs cob der patriarch durch den Jordan ginge/ oder als ein latern/
stab. darnach man sich richten/ vñ ein aug auff haben soll mit alle

vleyß durch den finstern wegt des tods/sund vnd hell/wie d pphet sagt/Dein wort herr/ist eyn licht meynen fuß/vnd S. Peter Wir habē eyn gewisses wort gottis vnd yhr thut woll dra/so yr seyn warnehet. Es mag sunst nichts helffen yn tods notē/dan mit dem zeychen werden all erhalte/die erhalten werde. Es weyßet auff Chrustū vñ sein bild/dz du magst widder des tods sund vnd hell bild sagen. Gott hat mir zu gesagt/vñ eyn gewiss zeychen seyner gnadē yn den sacramenten geben/das Chrust^{us} leyben meynē tod yn seynē tod vberwunden hab/seyn gehorsā/meyne sund yn seynem leyden vortilget/seyn leyb meyn hell yn seynem vorlassen zu stōt habe/das zeyhen/das zu sagen meyn selic-
 keyt wirt mir mit liegen noch triegen. Gott hatt es gesagt/gott mag mit liegē/noch mit worten noch mit wercken/vñ wer also pocht/vnd sich auff dye sacrament stonet/des erwelung vnd vorsehung/wirt sich selbst an seyn sorg vnd muhe woll finden.

¶ Zū sechzehendē. Zie ligt nu die aller groffiste macht an/das man die heyligen sacrament/yn welchen eytell gottis wort zu sagē/zeychē geschehen/hoch achte/yn ehren halt/sich drauff vorlasse/das ist das man widder an den sacramenten noch an den dingen/der sie seynd gewisse zeychen/zweyßell/dann wo daran gezweyßelt/so ist es alls verloren. Dan wie wir glaubē/so wirt vns geschēhē/als Chrust^{us} sagt/Was hülffs das dir dir vorbildest vnd glaubst/der todt/die sund/die helle der anderū sey in Chro vberwunden/Wā du nit auch glaubst/das dein tod deyn sund/deyn hell/dir da vberwunden vñ vertilget sey/vñ also erlöset seyest/So were das sacramēt gar vmbsonst/die weyl du nit glaubst die ding/die dir da selbst āzeygt/gebē/vñ vorseprochen werden. Das ist aber die grausambst sund/die geschehen mag durch wilch/gott selber/yn seynē wort/zeychē vñ werck/als ein lügner geachtet wirt/ alls der etwas redt/zeygt/zusage/das er nicht meyne/noch haltē wolle. Der halbē ist nit schimpfen mit den sacramenten. Es muß der glaub da seyn/d sich drauff vorlasse/vnd frölich wage in solch gottis zeychen vnd zusagen. Was were das für ein seligmacher oder gott/der vns nit mocht odder wolt vom todt/sund/hell/ selig machen. Es muß groß seyn/was der rechte gott zu sagt vnd wirckt.

So kumpt dan der teuffell vnd blyßet dir eyn/ia wie wan ich dan die sacrament/hett vnwürdig empfangen/vnd mich durch

Frucht vñ
 Übung/des
 lebens Chri
 sti.

Gott lenge
 mit.

Merck das
 wortlein dir
 vnd mir zu
 nutze.

Ein gabe
 des teuffels

Nb.

absolutio sacerdotis

mangelische
Christliche
lehre

*Ab
L*

Was mirz
hab das sa
cramēt des
altaris.

meyn unwirdigkeit solcher gnade beraubt. Sie mach dz Creutz
fur dich/ las dich/ wirdigkeit unwirdigkeit nichts anfechten/
schau nur zu/dz du glaubst es seyn gewisse zeychen/ware wort
gottis/so bistu vnbleibst woll wirdick/glaub macht wirdig/
zweyffell macht unwirdick. DaruB will der böß geyst dir an
der wirdickeyt vnd unwirdigkeit furwenden/dz er dir eynen zewy
ffell/vnd da durch/die sacrament/mit yren wercken zu nichte/
vnd gott yn seynen worthen/ eynen lügner mache.

Gott gibt dir vmb deynes wirdickeyt willen nichts/ Er barwett
auch seyn wort /vnd sacrament/ auff deyne wirdickeyt nicht/
sunder auß lauther gnade/barwet er dich unwirdigen auff seyn
wort vnd zeyhem/ dar an halt nur fest vnd spuch. Der mir seyn
zeychen vnd wort gibt vn geben hatt/das Christ/leben/gnad/
vn hymel/meynē tod/ sund/hell mir vnschedlich gemacht hab/
der ist gott/ wirt mir dye ding woll halten/ hatt mich der pries
ter absoluit/so vorlaß ich mich drauff/als auff gottis wort
selber. Seynt es dan gottis wort/ so wirt es war seyn/da bleyß
ich auff/da stirb ich auff/ Da du solt eben so fest trawen auff
des priesters absoluition/als wa dir got eynen besondern Engel
odder Apostell sendet/ Ja als ob dich Christ selbs absoluiet.

Zum sibentzehenden. Sich eyn solch vorteyll hatt/der die
sacrament erlangt/das er eyn zeyhē gottis erlanget vn zusag/
daran er seynen glauben vben vnd stercken mag/er sey yn Christ
bild vnd güter berufft/ An wilche zeychen/die andern alleyn yn
glauben arbeyten/vnd sie mit dem begirde des hertzen erlangen/
wie woll sie auch erhalten werden/so sie yn dem selben/glauben
besteen. Also soltu auch sagen vbir des sacrament des altaris.
Hatt mir der priister geben den heyligen zeychnam Christi/das
eyn zeychen vnd zu sagen ist/der gemeynschafft aller Engel vn
heyligen/das sie mich liebhabē/fur mich sorgen/bitten/ vn mit
mir leyden/sterben/sund tragen/vnd hell/vbirwüden. Szo wirt
es vn muß also/seyn/ das gott lich zeygen treuge mich nit/vnd
las mirs nyt nhemen/ ich wolt ehe alle welt/mich selb vorleig
nen/ehe ich dran zweyffele/ Meyn gott/der sey mir gewis/vnd
warhafftig/ yn diesem seynen zeychen vn zu sagen/ Ich sey seyn
wirdig odder nit/ so bin ich ein glied der Christenheyt nach laut
vnd anzeigung/dises sacraments. Es ist besser ich sey unwir
dig/ dann das gott/ nit warhafftig gehalten werde/ heb dych

tenffel/ so du mir anders saggest.

tu sihe/man findt vill leit/die geren wolten gewis seyn/oder
eyn zeychen haben vom hymell/wie sie mit gott dian weren/vn
yhr vorsehung wissen/vn wan schon eyn solch zeychen sie vbir
keinen/vnd sie doch nit glaubten/was hulff sie es: was hulffen
alle zeychen/an glauben: was holffen die Juden/Christus vn
der Apostell zeyhen: was helffen noch heut/die hochwirdigem
zeychen der sacrament/vn wort gottis: Warub haltem sie sich
nit an die sacrament/wilchs gewisse vn eyngeetzte zeyhen seyn
durch alle heyligen/probirt vnd vrsucht/gewis erfunden/allen
denen/die do glaubt habe/vnd vbirkumen/als was sie zeyhet
Also solten wir die sacramene lernen erkennen/was sie seyn/wo
zu sie dienen/woye man yhr prauchen soll. Szo finde wir das nit
großer dingt aufferden sey/das betrubte hertzen vn böse gewis
sen/lieblicher trösten mag/dan in sacramente seyn wort gottis
die dienen dazu/das sie vns Christu zeygen vn zu sagen/mit al
lem seynem gutt/das er selbs ist/widder de tod/sund/helle/tu
ist nit lieblicher/begirlich dingt zu hören/dā den tod/sund/hell
zu vortilgen/das geschicht durch Christum yn vns/so wir des
sacraments recht prauchen. Der prauch ist nit anders/dā glau
ben/es sey also/woye dye sacrament durch gottis wort/zusagen
vnd vorpflchten. Drum ist nott/das man nit alleyn dye drey
bild in Christo ansehe/vnd die gegen bild da mit aufstreyß vn
fallen lasse/sondern das man eyn gewis zeychen hab/das vns
vorsichere/es sey also vns geben/das seyn die Sacrament.

Zu achtzehenden/Soll keyn Christen mensch ann seynem
end zweyffeln/er sey nit alleine yn seynem sterben/sondern gewis
seyn/dz noch anzeygüg des sacraments/auff yhn/gar viel aus
gesehen. Zum ersten gottis selber vnd Christi/darumb das er
seynem wort glaubt vn seynen sacramet anhangt/dar nach die
lieben engel/die heyligen vn alle Christen/dan da ist keyn zwey
ffell wie das sacrament des altaris weyset/das die allesampt
als eyn gantz corper zu seynē glidemas/ zu lauffen/helffen yhm
den tod/die sund/die hell vbirwinden/vnd tragen alle mit yhm
da geht das werck der liebe/ vn gemeynschafft der heyligen yn
ernst vn gewaltiglich/vnd eyn Christen mensch soll yhm auch
furbilden/vnd keynen zweyffell droß haben/darauff er dan keck
wirt zu sterben dann wer dian zweyffelt/der glaubt aber nicht

Sich woye
große gna
de erzeyt vns
gott.

Handwritten note in red ink:
Wird z. 1. 1. 1.

Trostung
eyger gewy
stenn.

Handwritten notes:
3. 1. 2. 3.
Christi ut co
Denary 9. u
Wp. (un)



an das hochwirdig sacrament des leychnās Christi/ In wil-
chem gezeigt/zugesagt / vorpflicht wirt gemeinschafft/ hulff/
lieb/ trost/ vnd beystand aller heyligen yn allen nöten. Dā so du
glaubst in die zeychen vñ wort gottis/ so hat got ein auge auff
dich/ wie er sagt ps. 31. Firmabo 2c. Ich will meyn augen stett
auff dich haben/ das du nit vntergehest. So aber got auff dich
sicht/ so sehen ym nach alle engel/ alle heyligen/ alle creaturen/
vñ so du in dem glauben bleybst halten sie alle die hend vnter.
Gehet deyn seel auß/ so seyn sie da vnd empfahe sie du magst
nit vntergehen/ das ist berzeugt in Heliseo. 4. Reg. 6. Der zu seyn
nemt knecht sprach/ fürcht dich nit/ yhr ist mehr mit vns/ dā mit
yhnem/ so doch die seynd sie vmbzingt hetten/ vñ niemāt anders
sahen. Aber gott thet dem knecht die augen auff/ do war vmb
sie ein grosser hauff ferwiger pfert vñ wagen. Also ist auch ge
wiss vmb ein yglichen der got glaubt. Da gehen dan die spruch
her ps. 33. Der engel gottis wirt sich einlassen rings vmb die do
gott fürchten/ vnd wirt sie erlösen. 122. Welche got vortrawen/
die werde vnbeweglich seyn/ wie d berg zion. Er wirt ewiglich
bleyben. Hohe berge (das sein Engell) seyn in seynem vmbzing/
vnd gott selber vmbzinget seyn volck/ von hyn bis hyn ewigkeit
ps. 90. Er hatt seynen Engelen dich besolen / Auff den henden
sollen sie dich tragen/ vnd dich bewaren wo du hyn gehest/ das
du nit stoffest deynen fuß an yrgend eyne steyn. Auff der schlä
gen vnd Basiliscū soltu gehen/ vnd auff den lawen vñ drachē
soltu treten (das ist alle stercke vnd list des teuffels werden dir
nichts th. an) dan er hatt yn mich vortrawet. Ich wil yhn erlö
sen/ ich wil bey ym seyn in allen seynen ansechtungen / ich will
yhm auß helffen vnd zu ehren setzen. Ich will yhm soll machen
mit ewigkeit. Ich will yhm offenbaren meyne ewigen gnade.
Also spricht auch der Apostell / das die Engell der vntzehlich
vill seyn/ alzu mall dynstpar seyn vnd auß geschickt vmb der
willen/ die do selig werden.

Disse ding
müssen vñ
gott gebete
werden.

Diz seyn alls grosse ding/ wer magt glauben: darumb soll
man wissen das gottes werck seyn/ die grösser seyn dan yemāt
dencken mag/ vnd sie doch wircket yn solchem cleyner zeychen
der sacrament/ das er vns lere roye gross dingt sey ein rechter
glaub zu gott.

E. G. m. u. i.
u. i. p. u. r.

Zum neuntzehenden/ Soll aber niemant sich voruessen

solch dinge auß seynen crefft zu über / sondern gott demütig
lich bitten / das er solchen glauben vnd vorstant seynes heyligen
sacrament / yn vns schaff vnd erhalt / auff das also / mit furcht
vnd demut zu gehe / vnd wir nit vns solch werck zu schreyben /
sondern gott die eere lassen / Dartzu soll er / alle heyligen Engel /
Besondern seynen Engell / die Mutter gottis / Alle Aposteln vnd
lieben heyligen anrufen / sonderlich da yhm gott / Besondere an-
dacht zu geben hatt. Soll aber also bitten / das er nit zweyffel
das bett werd erhört. da hat er zwo vrsach zu. Die erste / das er
itzt gehört auß der schrifft / wie gott yhnen besolen hatt / vñ wie
das sacrament gibt / das sie lieben vnd helfen müssen / allen die
do glauben. Das soll man yhn furhalten vnd auff rucken / nit
das sie es nit wissen oder sonst nit theten / sondern das d glaub
vnd zuvorsicht zu yhnen vnd durch sie zu gott deste stercker vnd
frölicher werd / dem todt vnter augen zu gehen. Die ander / das
gott gepoten hatt / Wan wir betten wollen / das wir yhefest
glauben / es geschehe was wir bitten / vnd sey eyn warhafftig
Amen. Dasselb gebott muß man gott auch auff rucken vñ sa-
gen. Mein gott du hast gepoten zu bitten / vnd zu glauben die
bitt werd erhört / drauff / Bitt ich vnd verlas mich / du werdest
mich nit lassen vnd eynen rechten glauben geben.

Dartzu solt mā / dz ganz leben lang bitten got vñ seyne heyl-
ligen / vmb die letzten stund / fur eynen rechten glauben. Wie dā
gar seyn gesungen wirt am pfingstag. Tu bitten wir den heyl-
ligen Geyst / vmb den rechten glaubē aller meyst / wen wir heym
faren / auß diesem elende zc. Vnd wan die stund kommen ist zu
sterben / soll man gott desselben gepotts ermanen / neben seynem
gebott vnd zu sagen / an allen zweyffel es sey erhört / dan so er
gepoten hatt zu bitten / vnd zu trawen ym gebet / dartzu gnad
geben zu bitten. Was solt man zweyffeln / er habts drum
alls than / das er es erhören vnd erfüllen will.

¶ Zum zwentzigsten.

¶ Tu sich was soll dir deyn gott mehr thun / das du den
todt willig an nimmst / nicht furchtest vñ überwindest. Er weyßt
vnd gibt dir in Christo / des lebens / der gnade / der seligkeit bild /
das du fur des todts / der sund / der hell bild nit dich ensetzist. Er
legt dartzu deynen todt / deyne sund / dein hell auff seynen liebsten
sun / vnd überwindet sie dir / macht sie dir vnshedlich. Er leßt

18.
Mit zwey
ffeln ange
bethe.

19.
Haben wir
den pfingst
ge
singt.

Gottis
großze gü
tigkeit.

Alle dinc
thut gott
auff das er
vns reyt yn
Zur kenne

Darzu deyne anfechtung des tods/der sund/der helle auch vbir
seynen sun gehen/vnd dich darinne zu halten leret/vñ sie vnscha
edlich/dartzu treglich macht. Er gibt dir des alles eynn gewyß
wartzeychen/dz du yhe nit dran zweyfflest/nemlich die heyligē
sacrament/Er befelht seynen Engeln/ allē heyligē/allē creaturē
das sie mit yhm auff dich sehenn/deyner seel warnemen vnd sie
entphahen. Er gpeut du solt solchs von yhm bitten vñ der er
höung gewiß seynn. Was kan oder soll er mehr thun/Drumb
sihstu das er ein warer gott ist/vñ rechte grose gottliche werck
mit dir wirckt/Warüb solt er dir nicht ettwas grose auff legē
(als das sterben ist)wan er so grose vorteyl hilff vñ sterck dar
zu thut/auff dz er vo:suche/was seyne genade vomage/wie gea
schrieben steet/ps 110. Die werck gottis seyn grose vñ außerwelet
nach allem seynen wolgefallen. ¶ Der halben muß man zu
sehen/das man yhe mit grossen freuden des hertzen danck/seynē
gotlichen willen/das er mit vns widder den tod / sund vñ hell
so wünderlich/reychlich vñ vnmeslich gnad vñ barmhertzyga
keit vbet/vnnd nit so sere fur dem tod furchten/alleyne sein gnad
preyssen vnd lieben/Dan die liebe vnd das lob/das sterben gar
sere leichteret/wie er sagt durch Isaia. Ich will zeumen deynen
mundt mit meynem lob/das du nit vntergehest/Des helff vnns
Gott. 2c. A m e n. S i n i s.

¶ Gedruckt zu Wittenbergk durch
Johannem. Grunenbergk
nach Christi gepurt
1 5 2 0

[Bl. 196]

Jb 4787^a

ULB Halle 3
003 732 096



5b







310

29.

tion von der bereytung
sterben Doct: Mar
Luther Augusti
ier zu Witten
bergk.

Wittenbergk.
A N N O
M, D, XX.

